

馬七 宋詩  
馬八 元詩

虞邑遺文錄  
四

虞邑遺文錄

宋

送常熟錢尉憲

宋庠元集

送常熟尉錢訪文

宋柳景集

寄竹隱先生孫應時時為常熟宰

劉過龍洲道人集

三月八日挈家赴官常熟

孫應時湖集

送別舜卿少府

同上

送別惟肖贊府

同上

海虞

陳

揆

集

錢常熟宰万侯湖集之

次韻袁起巖常熟道中范湖大成

次韻袁起巖許浦按教水軍上同

次韻袁提刑勞軍許浦按路風雨陳造江湖長翁集

次韻常熟感舊上同

次韻回塗打水欲遵陸上同

泊福山港崔敦禮集

再來常州昭禮出示虞山往來詩卷先是昭禮與予共載昭

禮上虞山予過深陽昭禮有詩次韻趙蕃淳熙稿

頂山禱雨蘇應符集

秋雨復將害稼上同

早秋獨出初行邑西湖上同

舟宿莫城上同

咏作鹿鳴會屈致冷副端席半出詩侑一獻次其韻上同

遊破山通幽軒用前韻呈同行諸友李光莊簡集

維摩寺和冷世脩韻趙公豫燕堂稿

偕冷世脩遊頂山廣福院上同

冷副端招西郊賞櫻桃孫應時湖集

九日偕同寮至破山還飲誓清亭是日早雨尋霽自余至官

三見菊花節帝會於誓清因成二詩志之同

冷副端與諸人九日登高有詩次韻上同

琴川致道觀簡葉制幾湖後集江

送子文雜言石湖集大

次韻嚴子文旅中見贈上同

送嚴子文通判建康上同

送錢仲耕修撰南游稿

賦贈容州刺史馬鯁臣持國趙公豫燕

和答周次山送行

和次山見寄上同

送錢叔儀使君之南安上同

傲將軍歌贈周叔子馬帥劉宰漫

呈印主學

賞雪騎鯨軒子文夜歸酒渴待兒薦茗飲蜜漿明日以詭同

游戲為書事邀宗偉同作石湖集大

子文大丞重午日走貺煮酒清甚殆與遠水一色何其妙哉

數語奉謝上同

子文見和云亦有小鬟能度曲復用韻戲贈上同

春雪趙善章

送無灰酒周馬帥口占劉宰漫

錢殿撰挽詞魏綸攻

錢江陰挽詞上同

挽南康冷知軍孫應時

挽南安錢知軍化

挽趙泰州善忱上同

挽趙泰州母劉夫人上同

挽錢仲耕運使上同

崑山夜泊舟中遣懷胡嶧

泊崑山上同

過百家渡上同

同仲南弟遊慧聚寺上同

恭和御製玉津園宴射曾懷

鄉人呂正之教三子連中童子科感哉前此無有也推原所

以啓其意者由今大漕顯謨公乃不遠數百里來致感激

余與之醢酒道舊驩甚匆匆欲歸賦詩以留之嚴煥

崑

山

難

詠

此詩出成化虎邱志 影作數


五言戲贈呂神童行詞

自淮桐代歸領累借親友遊虎邱偶成影語以紀歲月時淳

祐庚戌七月廿五日 虎邱志

登雲海亭 錫岳志 無

召鎮淮句賦詩 梅應雷話



虞邑遺文錄

宋

送常熟錢尉秦孫王

吏最三年集僚英一尉沈清壺人映玉勳券廟藏金夕館淮塘度

春篙楚汰深王孫情幾許芳草偏天濤

送常熟尉錢訪

萬譽高鄉品仙姿並國游新思紺綸綬遺社耐金侯賦閣儲信筆

塵縹倦客裘平明催權鷄幾信候潮鱗下鼓尊榮箸持螯酒溢甌

江南三月草為子刺離憂



寄竹隱先生孫應時時為常熟宰

劉過

蘇州酒滴如真珠公能醉之酒百壺得閑政恐不來耳來則倒屣  
相與俱江山繞樓詩句好奔走萬變同馳驅大書小草各有能雷  
電震耀鶯花姝當其半醉尚醒在宛若處女未嫁夫盃行到手湖  
海竭翻覆雲雨來須臾羲之屈使坐北面命騷如役僕與奴角巾  
斜飄鬢毛出筆墨顛倒衫袖烏回旋左右如有礙歸路不記長鬚  
扶賓僂指攝士竊笑亦有好事描為圖或云先生鬱於用浮沉欲  
以酒自娛實非能飲姑好客不時斗酒由人須若余乃是真飲者  
糟邱日日鄉何無雖然人亦難意料未可目以為酒徒相逢擺畧

這幅畫曾次聞豁無城郭飲藏窮達付之酒不以禮法自束拘情  
歸一真舉無偽滑稽玩世為通儒飲之不飲無不可醉醒醒醉同  
一區癡人之前莫說夢夢中說夢愈濶迂客來輒飲飲輒醉此其  
所以為竹湖不然他人豈無酒欲去此脚自懶趨許公之客日百  
數結束冠帶紛坐隅欲言喉牙物如梗中懷腹非外示愚不如鄙  
性好誠實退無所議進不諛歐公自愛曼卿放昌黎亦喜劉又龔  
滿城風雨重陽近黃花籬落金英敷山高凜風吹客倒公樓雖小  
主者珠狂當相就取一醉有酒飲我無酒酤此郎雖狂亦可喜我  
去俗子疇當呼世無人兮亦已久公不容我誰容乎

三月八日挈家赴官常熟

孫應時

又別吾廬去從今復幾回官情真漫爾世路亦悠哉事業魚千里  
文章水一杯公田定難必早擬賦歸來

送別舜卿少府

孫應時

官似南昌隱人傳東野詩才優解牛刃筆妙畫沙雖談笑千人敵  
飛騰萬里期大門香一炷他日看揚眉

人道琴川上年來聚德呈端能幾日月已復散雲萍老我頭先白

期君眼最青時能遣佳句千里慰林壑

送別惟肖贊府

孫應時

如椽老筆健文章枉對槐間鴈鷺行只共低頭了官事忽驚舉手  
勸離鷗百年可落塵埃夢一辨曾薰知己香珍重平生安樂法窮  
通何地不徜徉

錢常熟宰

方侯紹之

龍鶴歸來到北關玉墀春裏趣朝班九重定問琴川事為奏通川  
一渡閑

多幸三年依德宇喜無一事到公庭庭前柳是公遺愛去後相看  
眼更青

次韻袁起巖常熟道中三絕句

范成大

小雨蕭寒破晚晴  
踈踈密密滴簷聲  
烏鴉盤舞黃雲亂  
早與商量雪意生

仄徑難勝四牡駢  
扁舟辛苦鑿冰歸  
簡書執掌吟詩苦  
并與東陽減帶圍

使君橫槩賦詩回  
斷取天風海雨來  
綵筆從今閒不得  
雪花梅蕊一時開

次韻袁起巖許浦按教水軍

范成大

橫波組練試揚舲  
風捲魚龍海欲疑  
但得綈袍如挾纊  
何妨鐵甲冷如冰

戈船戰櫂疾如飛  
莫遣潮沙澗海湄  
草奏直須窮利病  
奉身從此繫安危

次韻袁提刑勞軍許浦中路風雨

陳造

方隅咫尺儼威顏  
窮谷回春不作難  
渥澤欲隨金節到  
先聲已失

鐵衣寒來時敢憚  
風將雨泊處仍聽浪  
卷灘天自與公供壯觀  
海涵雲物正闌干

次韻常熱感舊

陳造

詩囊隨處紀山川  
古縣繁雄更海邊  
按節將春巡甲壘  
循陔回首記丁年  
綵衣尚念親三釜  
芝檢終當歲九遷  
移孝為忠賢聖事  
期

公廷反汶陽田

次韻回塗打冰欲遵陸

陳造

轉頭風日破堅冰未用穿危冒滑行瀚海無波聊整棹陽春有脚  
莫論程詩情動處髭頰使事閒時酒細傾憑問逢迎黃髮叟里  
聞歡意為誰生

泊福山港

崔敦禮

我舟欲渡風伯噴春帆夜泊滄江津江聲拍枕冷不寐起看河漢  
無纖塵須臾風定水波伏江妃湧起明月輪船頭把酒問明月瓜  
邱粉社難忘情狼山咫尺望可到一水隔我三家村明月問之寂

無語寒光耿耿如相親明朝轉柂好風色月暈北開筭有靈

再來常州昭禮出示虞山往來詩卷先是昭禮與子共載昭

禮上虞山予過溧陽昭禮有詩次韻

趙蕃

舟人厭牽挽我輩樂縈紆晨起愁分背逢人屢問塗看君著屐進

雅勝折腰趨此段真高邁詩中不可無

頂山禱雨

孫應時

官身縛塵事日日如絲蔡駕言適秋郊開顏慰艱勤大田平如席  
多稼綠於雲早熟有餉獲晚播方耦耘停鞭問父老笑語何欣欣  
今年大好麥稻復當十分天應憐百姓似亦憐令君我本無善政

誇罵常紛紜獨慚龍公賜一念如相聞尚憂北山外漸有龜坼文  
為爾乞終惠潔齋炷爐熏何當足吾願豐年周九垓

秋雨後將害稼

孫應時

頗怪秋頻雨兼疑暑頓涼歲方祈有馭夢豈誤無羊敢與朝廷議  
唯觀宇宙康由來誇上瑞不必頌芝房

廢圃餘荒徑扶筇獨往來未愁風脫葉生怕雨添苔得與民心樂  
何妨笑口開神龍應念我落日首重回

早秋獨出初行近西湖

孫應時

雙湖帶山郭三歲甫來過獵獵葦蘆老飛飛鴻雁多晨暉明野樹

晚思渺煙波懷我孤山下歸歟具一蓑

舟宿莫城

孫應時

澤國寒初重霜天晚自溫孤舟一杯酒斜月數家村美睡聊相補  
勞生得更論燭湖疑在眼燈火閉柴門

縣作鹿鳴會屈致冷副端席半出詩備一獻次其韵

孫應時

早歎朝陽鳳一鳴幾多風奏動廷英只今故里誇開適得使諸生  
拜老成妙句獨先歌白雪歡顏親自酌烏程鹿鳴故事雖榮觀此  
段邦人分外榮

遊破山通幽軒用前韻呈同行諸友

李光

小山佳致信通幽，爽氣侵人挾九秋。  
暇日不妨尋舊隱，清時無用借前籌。  
能詩誰復追常建，愛竹吾今似子猷。  
已有琴書隨杖屨，更邀門客伴清遊。

維摩寺和冷世修韻

趙公豫

致遠得真賞，風流多逸才。  
春邀仙子佩，夜雨法王臺。  
雲磬杯前落，曇花曲畔開。  
但教元度在，明月不須來。

偕冷世修遊頂山廣福院

趙公豫

山寺寂無僧，空門白雲冷。  
惟有寒松枝，悠然照潭影。

冷副端招西郊賞櫻桃

孫應時

喜趁林泉約，來同櫻筍厨。  
綠陰濃欲滴，高竹靜相扶。  
山晚月先上，人歸鳥自呼。  
不辭拚一醉，此會兩年無。

九日偕同寮至破山還飲誓清亭是日早雨尋霽自余至官

三見菊花節，常會於誓清。  
因成二詩志之。孫應時

佳節強人意，清樽洗俗愁。  
乍收桐葉雨，放出菊花秋。  
眼底山川勝，吟邊草樹幽。  
西風還正帽，一笑憶荊州。

九日仍良宴，三年記此亭。  
寒花還粲粲，衰鬢轉星星。  
薄宦驚離合，浮生任醉醒。  
明年應話我，千里越山青。

冷副端與諸人九日登高有詩次韻

孫應時

日暮天清山翠濃西來萬里有清風十分秋色罨塵外千古佳辰  
感慨中雲隱蜃樓東海碧江涵雁字夕陽紅詩翁不負登臨興消  
得舵船一棹空

彭澤歸心似酒濃尊鱸嗟已負秋風文書雁鷺喧呼裏尊俎江山  
夢寐中採菊誰攀三徑綠賜奠休想一枝紅朝來快讀詩仙句猶  
得塵衿一洗空

琴川致道觀簡葉制幾

武衍

端然樓殿壓崇岡八百年來古道場三級危壇封翠蘚七星雲檜

滴清霜丹空綠合人何在塵滿朱欄井尚香絕受陰符碑字古每  
來模索立脩廊

送子文雜言

范成大

陰谷雲低梅雨多黃山滌源溪湧波南風匝地送歸客雙槩下瀨  
如投梭嚴夫子君舉酒我其為君歌萬山叢叢石鑿鑿官居破屋  
巢煙蘿杜鵑曉啼猿暮叫客行到此真蹉跎窮愁無復理一飯三  
歎息城東鬻舍有佳人解后使我加餐食同鄉更同調目擊心已  
傳蟄蟲欲作雷奮地萬籟方寂風行山吹竽喚我醒連鼓相追攀  
飈車電轂不可輩但覺兩腋生飛翰狂歌不必終曲戲奕不必滿

局有時不揖上馬去出門大笑驚僮僕窮御眼冷見未曾道上囁  
嚅相指目云此隘隘何以有二士直恐翩翩跨黃鵠廣文組解登  
王畿諸公貴人爭勸歸常日心期有定論贈行不惜重費詞腰金  
佩璐衆目好汗簡沉碑千載癡一尊有意重山嶽五鼎無心輕網  
絲嚴夫子應領畧別後頻書相發藥我既為萬頃之狎鷗君勿作九  
臯之鳴鶴

次韻嚴子文旅中見贈

范成大

杯中時昔共江天傾座新詩報警聯海浦寸心空共月京華雙鬢  
各彫年交情敢說同方友句法甘從弟子員有意數從文字飲何

須爭着祖生鞭

送嚴子文通判建康

范成大

四海論交賴有子一日不見真愁予人誰可與話心曲天忽遠來  
同里居悞惱春來不數面丁寧歲晚猶頻書黑頭屢別却敢惜歎  
息駸駸霜滿梳

送錢仲耕修撰

陸游

姑熟溪邊識勝流十年重見豈人謀自應客路難為別不是陽關  
作許愁傑直公看鼇某月倦遊我夢鏡湖秋殷勤為報中朝舊睡  
足平生是建州



賦贈容州刺史馬鯁臣持國

趙公豫

扶風家舊屬深泉刺史分符繼起賢坐嘯名篇詞典要  
春佳詠語輕圓虞山蒙幸騰飛蓋琴水邀榮泛畫船  
今日遠人尋舊好樞衣鈴閣拜君前

和答周次山送行

孫應時

衡宇歸來後餅儲不願餘與公遂初賦叔夜絕交書已怯傷弓翼  
猶歡涸轍魚春風到蘭室隱几正如如

我失從君別君應話我歸親年渾鶴髮家具只牛衣耳不關時論  
心知悟昨非晨羞何所欠萊甲雨新肥

藉甚多聞友非徒一字師可人徐孺子愛客鄭當時有意頻攜酒  
相過共話詩瓊瑤何日報松竹歲寒期

和次山見寄

孫應時

鳴鳩忽忽又一春別來知我更思君略無天氣花時雨長遣人愁  
日暮雲手自愛彈招隱曲心知不作送窮文秋風魚蟹松江上重  
約論詩醉夜分

送錢叔儀使君之南安

孫應時

使君心事玉無瑕遊戲功名髮未華要省文書繕貝葉故從江嶺  
訪梅花春風早趁人千里勝日相思天一涯喚取名郎看蘭省不

須留及兩年瓜

傲將軍歌贈周叔子馬帥

劉宰

君不見細柳將軍專號令  
 壁門不受天子命  
 又不见隆中將畧天  
 下奇屈致不可就見之  
 丈夫意氣類如此  
 連則守官窮守已瘠壇  
 未築國士去軍令已申  
 美人死王剪定須六十  
 萬李牧必遵前日  
 軌掃門求見齊舍人  
 魏勃安庸何足使  
 武皇踞廁對澗青  
 淮南君  
 臣暗歡喜寥寥古道  
 不復見後來捷徑何  
 紛紛炙手儻可熱  
 越痔  
 未為勤金珠要結偏  
 奴隸斧鉞倒置由他  
 人傲將軍今無矣杜  
 預  
 苞苴通費近裴度浮  
 沉聊卒歲兩賢屹立  
 尚如斯噲等區區焉  
 足

計傲將軍今有之  
 我得見之喜可知  
 行年六十未為老三  
 衙致位  
 官非卑毛錐子毋我  
 欺妙年手折桂林枝  
 長鎗大劍爾胡為十  
 載  
 安邊功言通太常旗  
 周宣方歌境土復吉  
 甫已賦明哲詩詔書  
 星  
 斗爛驛騎風雷馳平  
 生許國心日莫恐倒  
 施皂囊九叩關山立  
 志  
 不移時攜一尊酒山  
 水自娛嬉傲將軍誰  
 與同子真已去吳門  
 市  
 松陵不見天隨翁賴  
 有個儻朱杖屨時相  
 從虎邱山頭弄明月  
 姑  
 蘇臺上吟清風為樂  
 良有極大義終無窮  
 謹勿扁舟載西子有  
 時  
 獵渭占非熊

呈印主學

万俟紹之

君世通城我石城不堪兩處總峰塵向時未快披雲願今日同為  
避地人襟宇光風無盡藏杯盤夜雨有餘春喚回十載槐黃夢欲  
借靈槎去問津

賞雪騎鯨軒子文夜歸酒渴侍兒薦茗飲蜜漿明日以詫同  
游戲為書事邀宗偉同作

范成大

溪山四時佳今夕更奇絕天公妙莊嚴施此一川雪飛花浩如海  
眩轉塞空濶水西萬株樹玉塔照銀闕碧溪不受凍長灘瀉清咽  
漁舟晚猶汎熊膽寒未歇懸知畫不到未省詩能說歸來強搜句  
冰硯冷於鐵不知嚴夫子迎門生暖熱梅香不可耐兒梅小侍但覺

酒腸燭蜜融花氣動茶泛乳膏發寧辭春筍寒為暖花磁滑骨騰  
畫屏暖喚起眼餘纈笑我獨何事作此淡生活想像高唐賦何如  
徑排闥

子文大丞重午日走貺煮酒清甚殆與遠水一色何其妙哉

數語奉謝

范成大

臘脚清若空吾聞其語矣今晨品義尊公酒正如此太常家有此  
段奇銷得不齋醉如泥但恨今無過雲曲送我菖蒲一杯綠子文  
敬者名

子文見和云亦有小鬟能度曲復用韻戲贈 范成大

三年屏杯酌甚矣吾衰矣眼中有溜澠猶解商略此花酒更來事  
更奇不妨禪心絮沾泥翠眉何時真度曲細意煩君畫城綠

春雪 四首之一

趙蕃

早塵三時久荒成比歲連祇疑吾邑爾後道數州然凜凜溝虞陸  
噉噉釜若懸懸官深惻怛長吏闕流宣賑米多虛上蠲租豈盡捐

處心誠昧已受賞更欺天敢謂皆如此其間蓋有賢大江分左右

萬口說朱錢江西南康朱元晦使君

送無灰酒周馬帥口占

劉宰

寶壘來歸萬國春海隅花鳥亦欣欣皇恩更向將軍厚乞與人間

自在身

乞得閒身荷聖朝舊梅佳處日逍遙却憐赤壁歸來日歌舞樽前

祇小喬

奉寄無灰酒十罍一杯入藥可長生藥成預約分酬我眉壽相期

比老彭

錢殿撰伯挽詞

樓鑰

雋譽斐庠校孤忠動冕旒救荒心欲折憂國鬢先秋惠滿長江水

風清八詠樓禁途交一臂人物等閒休

枌社歸來晚儵然得故吾哦詩頻刻燭點易細研朱有淚悲連壁

無階莫束芻名門餘慶遠丹穴看奇雛

錢江陰似挽詞

樓鑰

庚嶺梅花暖賢侯惠愛深精神雖滿腹撫字亦勞心九轉竟難過  
二毛何處侵傷哉東逝水無復大江陰前知江南安軍

客授向東甌君為郡督郵豈惟察契為更喜吏才優每嘆頻年別  
俄驚一夢休虞山渺何許淚落不能收

挽南安康冷知軍

孫應時

禮樂三千字聲名五十秋士元纔展驥李廣不封侯香火猶強健  
笙歌足燕休如何早仙去寒日慘山邱

近託龍門御欽聞月旦評感公非輩行見我若平生杖履已陳迹

山川空復情塔庭森玉樹端不負留耕留堂耕

挽南安錢知軍似

孫應時

風雅猶家學精明獨吏師與人無畛域於道不磷緇天理終堪信

鄉評久更思見公雖已晚慟哭為相知

別我江南去風帆半夜開苦無為郡樂已復蓋棺回契闊空三嘆  
凋零併一哀遙知泣遺愛愁殺嶺頭梅

挽趙泰州善忱

孫應時

唾拾儒科早階升命秩尊斑衣娛壽罕綺席稱名園五馬催三駕

千秋閉九原春風破山路松柏慘何言

挽趙泰州母劉夫人

孫應時

玉葉宜家舊金花賜命稱修齡開九秩榮養指三州足矣真無戀  
儻然去不留板輿行樂地蕭瑟桂花秋

挽錢仲耕運使代作

孫應時

樂易無畦畛寬平不細苛人才隨世狹時望獨公多獻納開丹禁  
風神照紫荷誰令終遠外百歲轉蓬科

瀕海安鹽笑潢池息盜兵上常高計畫公不謂功名惻怛憂民志  
驅馳報國情雙溪最遺愛歌頌未收聲

族康規樞大鄉評德義尊家傳忠孝舊國賴典刑存冒不登三壽  
嗟誰起九原晚生長自恨早失拜龍門

崑山夜泊舟中遣懷

胡嶧

念昔扶衰別故城敢期身見稍休兵連年防惠秋更急此節浮家  
夜亦行夢裏不應追昨夢生前聊復且偷生空中鳥跡誰能記萬  
古由來一安情

泊崑山

胡嶧

疾風欺雨透蓬船擁被和衣晝復眠兒女登臨餘脚力更隨明月  
遠山前

過百家渡

風雨留人阻去程  
扶衰上冢過清明  
百家滾裏猶掀簸  
那得江神不世情

胡嶧

同仲南弟遊慧聚寺

胡嶧

政欲相攜紫翠間  
不堪風雨徑催還  
何時更上月華閣  
細認真山是假山

恭和御製玉津園宴射

曾懷

名園佳氣霽非煙  
冠佩朝宗似百川  
五品並令陪宴射  
四鍬端欲序賓賢  
恩涵春意魚翻藻  
威入秋聲雁落弦  
竣事更容窺典雅  
宸

陋柏梁篇

山秋日冠輕烟別院風  
光勝輞川位設虎侯恢  
盛典技精楊葉

拔名賢禮均湛露宣  
飛筆樂奏鈞天看發弦  
聖主經文蕙緯武全

勝巡幸射蛟篇

鄉人呂正之教三子連中童子科  
盛哉前此無有也推原所以啟其意者  
由今大漕顯謨公乃不遠數百里來致感  
激余與之醴酒道舊驩甚匆匆欲歸賦詩以留之

巖煥

千秋萬歲聖賢話  
畫掛諸郎齒頰間  
發蹤指南知有自  
昂霄聳壑

咸淳元年... 上雁作鷹 下拔名賢

過百家渡

風雨留人阻去程扶衰上冢過清明  
百家滾裏猶掀簸那得江神不世情

胡嶧

同仲南弟遊慧聚寺

胡嶧

政欲相攜紫翠間不堪風雨徑催還  
何時更上月華閣細認真山是假山

恭和御製玉津園宴射

曾懷

名園佳氣霽非煙冠佩朝宗似百川  
五品並令陪宴射四鍤端欲序賓賢  
恩涵春意魚翻藻威入秋聲雁落弦  
竣事更容窺典雅宸

章應陋柏梁篇

江山秋日冠輕烟別院風光勝輞川  
位設虎侯恢盛典技精楊葉

拔名賢禮均湛露宣飛箏樂奏鈞天看  
發弦聖主經文兼緯武全

勝巡幸射蛟篇

鄉人呂正之教三子連中童子科  
盛哉前此無有也推原所

以啟其意者由今大漕顯謨公乃不遠數  
百里來致感激

余與之醴酒道舊驩甚匆匆欲歸賦詩以留之

嚴煥

千秋萬歲聖賢話盡掛諸郎齒  
頰間發蹤指南知有自昂霄聳壑

或曰此  
書以  
上雁作



定非艱靈椿挺挺元未老珠樹樅樅款可攀過我朝陽語表曲且  
停烟權置家山

五言戲贈呂神童行

嚴煥

自我識人物天涯實渺然晚觀童子意早拍病夫肩凜凜神鋒異  
琅琅腹笥傳情溫武林道光怪呂家船

自淮相代歸領累偕親友遊虎邱偶成數語以紀歲月時淳

祐庚戌七月廿五日

邱岳

一目四蒼莽突然見林邱飛來靈鷲峰幻出蓬萊洲浮圖高翠嶺  
石逕通深幽生公講經臺曾聞石點頭池香無底脩綆汲寒流

千古詫異傳茲事還是不我來秋向深良苗匝平時憂國願年豐  
一稔銷百憂

登雲海亭嘉熙庚子清  
明前一日

邱岳

幽尋到羊藏峻嶺穿林霏玉鑑水千頃翠屏山一圍雲濤浩莫測  
瀛海是耶非馬鬣葦英骨鳩夷脫危機問君借沙觜容我着釣磯  
狎鷗似相識來近聞干飛

召鎮淮甸賦詩咸淳  
己巳

印應雷

習隱今番習不成此行非為利和名甲兵淨洗報天子歸隱青山  
樂太平

虞邑遺文錄

元

送仲亨文學精舍山長

送徐教授曉山歸武林張簡雅集玉山

送錢思復之常熟州從段吉甫判官招張翥雅集玉山

送金文中常熟州吏滿陞庸司奏差顧瑛稿玉山

許浦道中鄭韶雅集玉山

虞山道中有懷玉山徵君鄭勝外集玉山

海虞陳揆集

癸卯二月十二日常熱阻雨寄吳門分省同官  
陳基稿  
十六日開船值北風大作復泊北門  
上同

二十日福山港寄省院諸公  
上同  
舟中看虞山有感  
上同

福山港口待潮  
上同

虞山廬  
帖名勝集玉

望海虞山得蹤字

望虞山辭  
高啓大

昆城湖歌

虞山懷古

虞山秋夜  
唐元  
草堂雅集玉  
山

題極目亭

空心亭分韻得旭字

擬常建題破山寺  
外馬詩  
孫霞

題周景遠破山寺詩卷  
釋東  
華集

乾元宮  
釋宏秀集  
明

頂山泉  
上同

慧日寺鐘聲  
上同

禪房花木上同

中峯上同

於慧日寺退居構南軒成鼎用長老以詩見和次韻上同

赴慧日寺途中寄繆同知釋克新集

雙鳳清遠堂釋妙聲錄

雙鳳普福觀瑞芝外馬臻集

憇雙鳳道中井亭

福山館中書懷

再入吳塔館

題謝伯誠青梧軒錄上玉山徵君求敬陸仁雅集玉山

感季文新莊郭異述

次陳敬德卜居河陽韻張著永

次鄭季亮避亂歸城韻上同

丁未寓琴川奉謝鄭先生昆季八十韻黃華幼武

登雙鳳普福宮東樓贈吳道傳時周境存隱君同席王逢梧

虞邑遺文錄

元

送仲亨文學精舍山長

李孝光

子合談經上石渠更從文學住精廬到家為覓言偃宅弛擔先藏

笠澤書日落青天猶過雁雪消新水欲生魚傳聞聖世求遺士倘

召君乘謁者車

送徐教授晚山歸武林

張簡

三年言子邑寂寞鼓鳴琴官舍冷如水杏花春滿林化風敦薄俗

清氣集虛襟歸去吳山下青青草正深

送錢思復之常燕州從段吉甫判官招

張翥

涼風震澤正夫容  
客次詩材足自供  
賓主東南知盡美  
雲龍工下喜相從  
鴈飛驛路三秋雨  
楓落江橋半夜鐘  
念子遠遊勞夢想  
親庭回首故山重

送金文中常燕州吏滿陞庸司奏差

顧瑛

言偃祠前落木秋  
擔簦負笈上行舟  
盡言能吏瓜期滿  
又喜英才水部收  
青草岸頭啼布穀  
黃梅雨裏叫鉤輶  
農家際此愁如織  
奉直承顏說得不

許浦道中

鄭詔

許浦經行三十里  
狼山已見宿雲霾  
何人挽粟能通海  
有客販鹽初過淮  
馬渡岡巒何歷歷  
雞鳴風雨只啾啾  
一春多病兼寒色  
愁絕山顛與水涯

虞山道中有懷玉山徵君

鄭詔

言偃宅前湖水東  
千門楊柳綠搖風  
一蓬山色斜陽外  
半夜雨聲春夢中  
獨客年年如旅燕  
行人草草似驚鴻  
芳洲杜若憑誰采  
心逐寒潮處處同

癸卯二月十二日常燕阻雨寄吳門分省同官

陳基

一棹琴川路頻年此往還海風寒挾雨戍火夜連山澤國龍分節  
邊城虎據關故人南省幕退食珮珊珊

十六日開船值北風大作復泊北門  
陳基

風急江難渡春寒雪更飄濟川雖有檝跨海恨無橋使節辭吳近  
官軍去楚遙北門仍繫纜山雨夜蕭蕭

二十日福山港寄省院諸公  
陳基

漢將西征肅羽儀簡書日日有程期東溟潮上岸船發南斗星橫  
虎節移青入楚封山點點白添吳鏡雪絲絲美人宴罷芙蓉署一  
色銀花翠壓枝

舟中看虞山有感  
陳基

一望虞山一悵然楚公曾此將樓船間關百戰捐軀地慷慨孤忠  
罵寇年填海欲銜精衛石驅狼顧假祖龍鞭至今父老猶垂淚花  
落春城泣杜鵑

福山港口待潮  
陳基

吳山如畫楚江平消得孤帆半日程潮落沙頭纜一尺舟停江口  
復三更時清不識風波險世亂方知性命輕坐擁貂裘待明發臨  
流空愧魯連生

虞山

盧昭

海虞之山何峩峩連崗百里青嶰嵯巫咸却立在其左芙蓉倒蘸  
 昆城波云有仲雍之古冢白虹夜燭山之阿猗歟讓德豈不泯上  
 與日月光相磨我昔褰裳再下拜精英颯賞志匪頽機鼯跳梁竄  
 叢栗驚猿趨捷攀垂蘿原田碁布迤衍沃穰柅互立緣坡陀水溢  
 靈湫訪龍母華雨丈室尋維摩冥搜遺跡慨往古我僕既痛吾力  
 罷只今陵谷與時變赤熾森衛曳落河縈以周垣百餘雉夙夜嚴  
 選煩撫訶山靈請回俗士駕舊游轉瞬成蹉跎玉山高樓隔花起  
 邀我登覽供長哦虞山北向列几格群峯下侍同么麼相看即有  
 古人意空翠飛滿樓雲窩憑高問山山不語大笑酌以金叵羅我

酌玉山酒我歌玉山歌歌長壺缺朱顏醜人生百年貴清賞嘖彼  
 豪飲如飛蛾英雄蓋世覺安在蔽野荆棘眼銅駝興闌下樓日復  
 暝虞山虞山奈爾何

望海虞山得蹤字

李繼本

青山秋萬疊詩寫晚愁濃瀑斷峯頭路雲藏谷口松藥爐丹氣上  
 經藏碧苔封誰似仙翁靜階前掃鶴蹤

望虞山辭

高啓

虞山峩峩兮出雲油油胡斂其施兮弗雨九州下有蛟龍兮海波  
 橫流誰使子來兮從伯氏以遊朝于隣兮望岐周國有祀兮又何



求唐虞遊兮道阻修  
慚德興兮干戈日休  
我思夫人兮心焉孔憂  
昆城湖歌 鄭東

昆城吳水三萬頃  
吳兒招我入溟洋  
舉頭看月月在頂  
手弄荷花落天影  
酒酣起就船底眠  
青天作衾毛骨冷  
龍女欲出聽我歌  
扇以涼聽吹夢醒  
初歌音蕪含清勻  
忽然疾走銜枚軍  
百怪髮立皆

驚奔龍女舞翻巫  
峽雲再歌壯以悲  
鳳皇背泣麟洲啼  
六月雪壓

崑崙低我歌三發  
滄海裂綠水欲變  
黃塵熱龍女聞之  
悲哽咽旌

旗忽動龍女歸  
金烏飛上若木枝  
暑炎如火炙我肌  
嗟我老病力

莫支千金莫致南  
海犀沉書問龍女  
遺我蒼水壁與君  
乞取半湖

白歸向高堂挂空壁

虞山懷古

顧細二

踏徧青山千萬重  
藤蘿落落掛長松  
昭明臺下寒烟覆  
虞仲邱遠

碧鮮封丹井鑿時  
飛去鶴澗泉流處  
破潛龍古今多少  
興亡恨都

在聲聲晚寺鐘

虞山秋夜

唐元

迢迢秋夜長青燈  
半明滅梅鵲遠疎  
枝濕螢依腐葉谷  
虛振幽響

室靜生虛白數聲  
誰家笛吹墮西窓  
月

題極目亭

呂誠

海虞亭子層闌上高與清秋爽氣俱歷歷吳山明落照茫茫淮甸  
入平蕪興亡千古者棋局晴雨四時開畫圖日日憑闌瞻北固仙  
人借得一雙鳧

空心亭分韻得旭字

龔璠

依微轉樵徑夏上虞山麓間尋昔人詩自悟禪房宿野木蔭花氣  
幽潭得山綠日日空心亭山僧愛朝旭

擬常建題破山寺

馬臻

古寺破山色入門松竹陰雨花傳祖意坐石契禪心潭靜白雲上  
月高清梵沈幾時辭一尉尋社入東林

題周景遠破山寺詩卷

釋妙聲

暫輟詞垣重南來牧遠黎風流半刺史雅淡五言詩柿葉霜中寺  
梅花雪後池自公多暇日題贈付湯師

乾元宮

釋古潭

乾元何代宮斷碣不可考臺殿青雲端勢欲壓山倒春風開碧桃  
夜雨長瑤草孰謂人世間不有蓬萊島

頂山栗

釋古潭

峨峨頂山高十月寒霜肅霜栗大如拳紫苞剝黃玉福荔及夏收  
宣栗亦早熟獨爾飽風霜香甘頗具足

慧日寺鐘聲

釋古潭

慧日梁招提層樓寺中起霜天吼長鯨清響撼寰宇州居十萬人  
一聲齊到耳寒山豈相同獨落客船裏

禪房花木

釋古潭

破山古蘭若曲徑通後院上人理花木荷鋤日不倦花發木向榮  
唐以慰所願時後花木中行吟少人見

中峯

釋古潭

中峯高出雲雨上住持好似生公流聽法頑石亦點頭論到長江  
無盡頭梵僧駝經來白馬天女散花下赤虬機鈍若逢蘇內翰解

將金帶鎮林邱

於慧日寺退居構南軒成鼎用長老以詩見和次韻二首

釋古潭

林下安眠藉聖明敬椽願稱隱居情隔牆十丈紅塵馬近枕一聲  
清晝鶯照影石池紗帽淨扶吟野徑竹筇輕主翁夜若能攜酒好  
共南軒對月傾

未晚推窗待月明更無塵事可關情鑿池雖小下雙鷺種柳不多  
啼一鶯花片隔簾紅雨亂茶煙書屋白雲輕故人知我或相過哀  
曲細論肝膽傾

赴慧日寺途中寄繆同知

釋克新

舟楫南來處處過海隅東去奈愁何  
夢花帶雨紅連渚黍穗迎秋翠委波  
半日帆檣行柳末一天風月宿蘆  
科道逢遺老詢時事惟說州侯惠愛多

琴水東邊海盡頭茫茫烟霧接高秋  
禪荒田野雜豚少潮落汀沙魚鳥稠  
虛市殘民茅結宇空原枯骨草連邨  
重經古寺談灰劫轉使孤懷增百憂

雙鳳清遠堂

釋妙聲

因讀朱桓清遠記知有祇園清遠堂  
華雲時到三天竺梧月曾棲

雙鳳凰曲檻彈棋春晝永  
珠簾散帙午風涼欲題好句渾難覓  
除是高僧俗姓湯

雙鳳普福觀瑞芝

馬臻

雲朵絲金疊幾層似聞雙鳳遺瓊根  
潤浮元圃煙霞氣色凝天壇  
雨露恩綺皓欲尋還有素  
馳雖巧未須論由來福地多祥瑞  
萬歲千秋祝至尊

憩雙鳳道中井亭

俞玉吾

徐行到井亭渴喜井泉清雲散天無翳  
風來樹有聲枯田晴鳥聚濕壤早蛙鳴  
信道豐年樂人人說太平

福山館中書懷

俞玉吾

半生落魄走江湖對月臨風酒一壺  
白笑竊脂聊咏粟誰云老馬  
願為駒薄租稅稻今秋熟本分漁  
樵何處無趁早來書歸舊隱閑  
門間坐守丹爐

再入吳塔館

俞玉吾

走遍山鄉入水鄉狂吟不覺又重陽  
人情須是久方見世味從來

澹始長清酒有如今日好黃花還勝  
去年香等閒應被兒童笑羸

得蕭蕭兩鬢霜

題謝伯誠青梧軒錄上玉山徵君求教

陸仁

元刊本作大葉拳

此詩又見袁華耕學齋集題曰郭端仲新庄

青梧軒前梧十尋水屋雪洞相蕭森  
高枝樓樓不受暑葉大拳拳  
故多陰丹邱鳴鳳幾時至金井啼烏  
秋思深謝家園池信清絕擬  
來與子一橫琴

盛季文新莊

郭翼

抱郭春流帶草堂四檐桐梓曉蒼蒼  
百花潭上詩人宅五渡溪頭  
處士莊且喜比鄰連伯妙不愁行酒  
少兒郎西郊從此頻相過翦  
燭論詩夜未央

次陳敬德卜居河陽韻

張著

漸老逢春可奈何清狂不似舊時多  
銀瓶送酒青絲絡翠袖穿花

集有二首應補

白苧詞故舊祇今成遠別從遊何日重相過河陽桃李餘三月應  
想茅堂傍澗阿

山牕曾記酒樽同醉量豪於渴飲紅江海遺愁空惜別文章小技  
倦加工雲低雁宕家何在花暗天台路不通同是漂零歸未得又  
驚春盡館娃宮

次鄭季亮避亂歸城韻

張著

亂餘城郭未全空春事渾非舊日同何處笙歌留粉黛幾家樓閣  
絢青紅幽花無主愁經眼好鳥多情苦避弓誰似歸來耕谷口荷  
鋤細雨立東風

丁未寓琴川奉謝鄭先生昆季八十韻

華幼武

此詩從吳都文獻抄出與集本不同

結交須結心取友必取德苟過同心人何用曾相識請君試靜聽  
賤子聊具述區區六十翁素稟柔弱質潦倒無所成頭顱空雪白  
十年遭艱屢携家避兵革閭里俱荆榛屋廬成瓦礫飄泊無定所  
萍踪任南北旅食闔閭城懷抱長怵惕豈謂去年冬大軍至倉卒  
譬彼孤飛鴻哀鳴畏繒繳又如投林猿高木何暇擇擘舟向東去  
長途烟霧塞回帆擬西行烽火故鄉隔橋首見虞山青天數峯出  
遙遙竟宵征那問各與吉詰且達城郭維舟南關側親朋盡疎曠  
彷徨欲何適忽憶故人語在耳猶歷歷是邦湖山勝群英聚圭璧

屈指思姓名遺十還記一驚呼叱兒童殷勤遍尋覓鄭氏好昆季  
相逢悅顏色一見蓋始傾方寸已莫逆敬我以父執事我猶子姪  
慰勞未及已拳拳問家室大厦讓我居矮屋自容膝軒堂親掃除  
俾我安寢食修垣障塵塵清池湛寒碧林梅著疎花畦蔬翠蒙幕  
老檜鬱已秀高梧挺而特物情各有榮人事何促迫衰年厭喧隘  
愛此地幽僻煩襟淨陶寫庶幾遣愁寂况乃賢主人友悌喜相得  
伯也倜儻姿英年事書律急難重周旋傾言梗而直深謀及遠慮  
靡使毫髮失誰能干戈際豁達露胸臆空階步月吟明窓對棋奕  
剪燭歌陽春飛觴醉瓊液款<sub>音</sub>相與娛寧忘論三益仲也青雲器胸

中飽經術文章浩波瀾氣槩壓蒿萃修身中矩度勉學寸陰惜淮  
海稱白眉士林仰為則名已達鳳池會通金蘭籍行當步霄漢九  
萬搏咫尺蠢我二三子亂離墮荒逸遂塞董生帷同列管寧席未  
諳立雪意灑掃勤乃職諄諄教誨言眷眷琢磨力方圓苟成器詎  
敢忘繩墨叔也正年少冷然美標格讀書不輟手學字尚超忽龍  
泉未出匣良玉猶在石一朝發光芒虹貫斗牛赤由來席上珍豈  
是池中物庭下棠棣花相輝映春日堂前紫荆樹相看厚培植姜  
肱曾共被繆彤能自責張公一忍字九世無改易怡然見君家接  
踵追古昔今年二月初衰朽仍遺疾呻吟不絕口生死莫可測妻

兒顛沛餘束手愧無策感君交誼篤中心懷戚戚百里求良醫寧  
辭苦勞役醫亦仗義人匍匐過蓬草沃我上水池沉痾似冰釋殘  
喘獲再甦枯萌發春澤斯文骨肉同何有此親密四海皆兄弟伊  
誰與儔匹留連閱寒暑言笑繼晨夕良朋時滿座俗子迴絕迹坐  
我春風中不知身是客恩深復何語肺肝自銘刻願堅歲寒盟南  
山指松柏永結同心友重以膠投漆再拜歌聲詩茲懷豈終極

登雙鳳普福宮東樓贈吳道傳時周境存隱君同席

王 逢

道人獨坐覺禪樓海底青天入座流燕子飛來又飛去遊絲挂在

玉簾鉤

樓殿岩堯上赤霞水紋蟠鳳卧靈槎石碁盤靜香烟直簾下雙頭

百合花



